

(11) RUNYANKOLE/ RUKIGA LEAFLET ON THE CHRISTIAN LIFE

ABASHEEMWE OMURI YESU

AMAGARA G'OMUKRISTAAYO

Kworeheze kushoma akatabo aka noija kumanya eby'okugarukwamu aha bibuzo ebi:

2. Abakurasi ba Yesu Kristo ababandize bakaba nibikiriza ki?
3. Okweteisa nikimanyisaki?
4. Okubatizibwa kw'omukristayo nikwo kuha?
5. Omukristayo ashemereire kutwaza ata?
6. Omukristayo ashemereire kutwaza ata?
7. Omukristayo akashushire ata omunsi?
8. Omukristayo ashemereire kuba ow'omutano?
9. Nimigasho ki eri omubukristaayo?

Omutume Yohaana akagira ekiragiro kya Ruhanga “n’okwikiriza eiziina ry’omwana we Yesu Kristo kandi tukakundana” (Yohaana 3:23). Ekiragiro eki, kirimu ebintu bibiri ebitarikubaasa kwahurwamu. Amagara g’omukristayo gahamire ahakwikiriza hamwe n’okukora.

1. ABAKURASI BA YESUKRISTO ABABANDIZE BAKABA NIBIKIRIZA KI?

Bakaba nibikiriza Yesu Kristo ku:

- (a) Yabaire ari omwana wa Ruhanga (Yohaana 5:19-23).
- (b) Yaizire omunsi kujuna abasiisi (1 Timoseo 1:15).
- (c) Y’afiire kandi akazooka (Ebyakozirwe 2:29-32) –Bwanyima
- (d) Aryagaruka omunsi (Ebyakozirwe 1:11)
- (e) Azoore abafiire (Yohaana 6:39,40)
- (f) Acwere emanja abo abobujunanizibwa ahari Ruhanga (Ebyakozirwe 17:30,31)
- (g) Ahe abamukurasire gye amagara agatahwaho (okushuruurwa 2:10)

(h) Ateho Obukama bwa Ruhanga omunsi (Luka 1:32).

Ezi nizo zimwe ahanyikiriza ezi abeegi, ezi Yesu yayegyise kandi zikegyesibwa n'abatume be. Ahabwenki itwe ab'obusingye obu, tushemereire kugira okwikiriza okw'omuringo ogundi? Okwegyesa oku n'okwabakristayo twena kandi tushemereire kukuhamiraho.

2. OKWETEISA NIKIMANYISA KI?

Baingi abayudaya ababaire bangire Yesu, bakaija bareeba ngu bakaba bakozire enshobi mpango. "Bakaimatwa omumitima" babuza "tugire tuta?" (Petero yaabagarukamu ati "mweteise mwena mubatizibwe" (Ebyakozirwe 2:37,38).

Okwetwa oku n'okwaburi omwe orikwenda kukurata Yesu. Twena twine okweteisa (Okuhindura ebiteekateeko), kandi tukamanya ngu:

- (a) Ahatari kwikiriza omu Yesu, okufa kuryaba omuheru.
- (b) Nitubasa kusasirwa ebibi byaitu ahabw'okuba akorobera okukunda kwa Ruhanga.
- (c) Twamugarukira tukabatizibwa ahabw'okusaasira okushisha kwaitu – obugomi bwaitu – tukakuratira ebyarikukunda nituba abahurire ebiro byona. Kan'ekyomugisha ahari abo abarikweteisa.

3. OKUBATIZIBWA KW'OMUKRISTAYO NIKWO KUHWA?

Okubatiza nikwo kwibika omuntu weena omumaizi, kandi omuntu ogu ashemereire kuba ari mukuru, arikubaasa kweshariraho kukurata Yesu Kristo. Okubatizibwa oku tuba nitwogibwaho ebibi byaitu, kandi tutandika amagara amasya "Omuri Kristo". Akatabo akandi "Okubatizibwa, ekikurikumanyisa n'ebikuru byakwo", nikashoborora okukiraho aha'ishomo eri.

4. OMUKRISTAYO ASHEMEREIRE KUTWAZA ATA?

Eishomo eri nirikuru. Nobuturabe nitujunwa ahabw'embabazi za Ruhanga, abakristayo boona bashemereire kworeka okwikiriza kwabo n'ebikorwa (Yakobo

2:17). Kwonka bikorwaki? Ebyo ebyegamire ahabigyendererwa bya Yesu. Nibyaija kutuyamba okukora kurungi abantu boona, n'okukira munonga ahari abo abarikwikiriza (Abagalatia 6:10).

Tushemereire kuba abarikushomesibwa. Paulo akagira ati "Omubwengye mube bakuru"

(1 Abakorinso 14:20), mwaba murikwetungira okwesiga nk'okwabereere omubyaraganisibwe Ruhanga. Omurimo gwaitu n'okukurura tukamanya omunteekateeka zaitu ez'obuntu tukaza omunteekateeka ez'Omwoyo wa Ruhanga. Nikiza kutuyamba twareka "ekigambo kya Kristo kyaguma omuri itwe kikakanya" (Abakolosai 3:16). Buri izooba tugume tushabe kandi tushome ekigambo kya Ruhanga.

Nitwija kuba abomugisha twaba turi, abacureezi, abanyambabazi, abashemeire omu mutima, abagarukanisa abantu kandi twagirira n'eby'okuhikiirira enjara n'eiriho. Tushemereire kuba "Omwoyo gw'ensi kandi" Omushana gw'ensi (Matayo 5:5-14).

Omubikorwa byaitu tushemereire: Kubagana okwikiriza kwaitu naabo abarahuriire, tukunde abazigu baitu, tusaasire abantu ebibi byabo, tuhindure eitama, erindi, kandi tureka okwerarikirira ahabwamagara gaitu. Tube abemicwe mirungi nka Yesu. Nahabwekyo tutakaba abaheereza babakama babiri:- Ruhanga na sente.

Tutashambana n'obukwakuba okukiteekateekaho obwire bwona. Omukristayo nateekwa "okubanza kusherura obukama bwa Ruhanga n'okuhikirira kwe" (Matayo 6:33).

Twahikiriza ebiragi ebi "turyayana ebyana bingi" "Kare tube abeegi be" (Yohaana 15:8). Ebi nibyo ebintu bikuru omumukristayo orikwetwa kukora. Obundi tubasa kutabihikiriza ahakuba titukahindwirwe abahikire. Tusiime Ruhanga ahakuba kutushisha, Yesu omuterani waitu namanya obweremwa bwaitu. Ahakuba

“akohiibwa omumiringo yoona nkaitwe kwonka we atashishe” (Abaheburaayo 4:15) Ruhanga nasaasira abo boona abari kumwaturira ebibi byabo kandi bakagyezaho okugaruka kukora kurungi. Nituragirwa kugira tutyo ahakuba turi abakurasi ba Yesu Kristo.

5. OMUKRISTAYO AKASHUSHIRE ATA OMUNSI?

Eshara ei Yesu yashabiire ebeegi be ekaba ngu batakaihua omunsi kureeka okubarinda omubi (Yohaana 17:15). Amagara g’omukristayo nag’omunsi, nikw’okugira ngu omumwanya ogutebekanisibwe okurigirira omunteekateeka za bantu.

Omukristayo ashemereire:-

- (a) Okugira obusingye naburi omwe (Abarooma 12:18)
- (b) Ayorobere abategyeke (Tito 3:1, 1 Petero 2:13-17)
- (c) Ayihure abarikumwihuza (Abarooma 13:17)

Okwihaho yaba aragirwe kukora ekitarikwikiriza n’ebiragiro bya Ruhanga, naza kworobera Ruhanga okukira omuntu (Ebyakozirwe 4:19,20, 5:28, 29.)

Nahabwekyo abakristayo tibashemereire kuza omu by’obutegyeke ahakuba Kristo nuwe omugabe ohikire kandi ou bategyerize. “Rukira-boona niwe ategyeke obugabe bwa bantu, kandi akabuha ou arikwenda weena” (Danieli 4:32) Eizooba riryahika obu “Obukama bw’ensi burihinduka obwa Mukama waitu n’obwa Kristo we, kandi ryaguma ahangoma ebiro n’ebiro” (Okushururwa 11:15). Yesu tarikiriza Petero okumurwanirira. Akamugira ati “Abo abatwara rurara baryaitwa rurara” Ahabw’okuba abakristayo nibaragirwa okutura omubisngye, tibashemereire kurwanisa abantu. Bategyereize okwija kw’omutegyeke w’obusingye” kuruga omu iguru.

6. OMUKRISTAYO ASHEMEREIRE KUBA OWAMUTANO?

Eego, ashemereire kuba ow’omutano ahabantu b’ensi egi. Omukristayo ashemereire kwebemberwa ebikorwa by’omwoyo kandi abigyenderemu hoona ahu arabe ari.

Yesu akegyesa ati “Eirembo eririkutasya omumagara rifunzire nakahanda kaaryo kagumire, nabakazoora baba bakye (Matayo 7:14). Twaba nitwenda kuba abeegi be, tushemereire kweyanga. Abantu abaingi nibenda kwekorera ebyabo. Kwonka enkora egi terikuhimbisa amagara ga Yesu “owatufeereire” ngu tuguma nawe (I Abatesalonika 5:10).

7. NIMIGASHO KI ERI OMU BUKRISTAAYO

Emigisha n’ebiiri. “okutiina Ruhanga nikugasha ahakuba kwine ekikurikuturaganisa ahamagara g’ebiro ebi n’ag’ebiro ebiriija” (1 Timoseo 4:8) Abakristayo nibehimbisiza omukukunda kwa Ruhanga okubaha Yesu akafera ebibibyabo. Baine obusingye omumitima yabo ahakuba Yesy akagira ati “mwije aharinye imwe mwena abaruhire nabaremereirwe, mbaruhure” (Matayo 11:28)

Ahari Abakristayo, amagara g’omumaisho garimu okushemererwa okuregyeresibwe. Bategyereize okugaruka kwa Yesu Kristo omunsi “Kugira amahanga kugira obusingye (Zakaria 9:10). Aryaha abakurasibe abeesigwa amagara gatahwaho obu: “aritegyeka ensi ya Yakobo ebiro byona, kandi obukama bwe tiburihwaho” (Luke 1:33).

Amagara gawe hati gaine ekigyendererwa? Otebekaine omumutima? Oyine matsiko ki ag’omubiro by’omumaisho gaba gatarimu Yesu Kristo? Yesu Kristo we wenka nuwe arikuha amagara agatahwaho nk’ekiconco kya Ruhanga ahari abo abamuhereize n’obwesigwa. Gira okufayo okukuratira Yesu hati, okwikiriza ebyarikwegyesa okweteisa, kandi okabatizibwa. Nk’omwana wa Ruhanga noza kuba owe kandi “baryaba abangye nikwo arikugira mukama wamahe, ahaizooba eri ndikoreraho kuba eitungo ryangye” (Malaki 3:17).

Nobaasa kutumanyisa waba noyenda kumanya ebirikukiraho ebya Baiburi nokwikiriza kwaba Isheemwe ba Kristo, uza abaisheemwe abakuhereire nari handikkira

CHRISTADELPHIAN BIBLE MISSION

404 Shaftmoor Lane, Birmingham B28 8SZ, UK

OR

CHRISTADELPHIAN (REGIONAL OFFICE – MBARARA)

P.O. Box 885

